




# სახალხო ფურცელი



ბრძოლის ველიდან. შვილის დაღუპვის გამჟღავნება.

## სალომეს ოჯახი

პიესა სამ მოქმედებად  
(შემდგომი \*)

**ლევანტი.** უნდა მოგახსენოთ, რომ დიდი ჟივილ-ხივილი კია ამ ქალაქში. ყურთა-სმენა არაა სწორედ. მე კარგა ხანია გადავეჩვიე ამ ღრინანცელს და ცოტა არ იყოს, შევწუხდი.

**ხალომე.** საქმე მიჩვევაა. უწინ მეც ასე ვიყავი, მაგრამ ადამიანი თურმე ყველაფერს ეგუება.

შემოდის კესო.

**ხალომე.** (კესოს) რათა სტიროდა, ხომ არა უტკენია რა?

**კესო.** წაქცეულა და ცოტათი ხელები გაუფხაჭხია.

**ხალომე.** ჰოი, რა ცელქია, რა ცელქი ის გასაქრობი (ლევანტის), უკაცრავად, სადილს უნდა მივხედო. აბა, შვილო, ვინძლო სტუმარი არ მოაწყინო (გადის).

**ლევანტი** (კესოს). ამ დღეებში, თურმე, ლეოსაც მოვლით. წარმოდგენილი მაქვს, როგორ გენატრებათ.

**კესო.** უზომოთ. სულ მის მომავალზე ვოცნებობთ. ვინ იცის, რამდენ იმედებს ვამყარებთ მასზე.

**ლევანტი.** თავს რითი ირჩენდა?

**კესო.** სანამ მე ჩავდგებოდი სამსახურში, მთელი ხარჯი გიორგის აწვა კისერზე. ეს ცხრა თვეა არა გაგვიგზავნიან-რა. რალაც კერძო საქმე აუჩენია და კაი გვარიან სასყიდელს ვიღებთო, მოგვწერა.

**ლევანტი.** რატომ სტიპენდია არ ითხოვეთ?

**კესო.** გიორგიმ არ ისურვა, რომ მისი ოჯახის წევრი ჩვენი ბურჯების ხარჯით გაზრდილიყო. ალბად ისინიც უარს ეტყობდნენ მიმართულების გამო.

**ლევანტი.** ჰმ! (თავს გაიქნ-გამოიქნევს).

**გიორგის ხმა ეზოში.** ილიკო! რამდენჯერ მითქვამს შენთვის, „ასე თამაშობა არ შეიძლება-მეთქი“!

**ლევანტი.** აი ჩემი გიორგიც. ძლივს არ ჩავივლდე ხელში! (გავა აივანზე და გადხედავს). აქა ვარ, გიორგი, დავასწარი, დავასწარი: (შემოდის გიორგი).

**კესო** (გადის დედასთან).

**ლევანტი.** ოქრო ასანიძე რა უყავით, გიორგი? მინდოდა იმასაც გავცნობოდი დაახლოებით.

**გიორგი.** რედაქციაში შეიარა. თუ დრო დაურჩა, მოვა (ჟურნალ-გაზეთებს დააწყობს მაგიდაზე).

**ლევანტი.** ახ, რა სასიამოვნო სურათი ვნახე დღეს. ორი ცნობილი ქართველი, ორი შეურთიერებელი მოქიშვე მარგალიტაძე და ასანიძე, ხელი-ხელ გაყრილი მიდიოდნენ დღეს ქუჩაში. ამას მე, ბატონებო, უბის წიგნში ჩავიწერ უსათუოდ, ისეთი მძულვარება და ერთი-მეორის გაუტანლობაა დღეს გამეფებული ჩვენს მწერლობაში,

\*1 იხ. საქართველო დაგაბი № 13.

რომ გაზეთის ხელში აღებაც კი შემთავადა. სწორედ ყველა ამის შემდეგ როგორ წარმოვიდგინოთ თქვენს მეგობრობას, ნამეტნავად იმ ცხარე წერილების შემდეგ. ახ, ძმებო, რა კარგი იქნებოდა, რომ ეს მეგობრობა მწერლობაშია და გადაგეტანათ. ჩვენი ქვეყნის მომავალი თქვენს თანხმობაშია და არა ამ გაუთავებელ კამათში

**გიორგი.** ჩვენი კამათი არკვევს ქვეშარიტებას, ქვეშარიტება კი აშუქებს ხალხის გონებას. სად ნახულა, რომ მთელი ქვეყანა ერთი ხაზითა და ლარით მიდიოდეს. როცა იბრძვიან, სჩანს იმათ შორის განსხვავებაც ყოფილა, არა ლევანტი, ორ სკამზე ჯდომით არსად არაფერი გაკეთებულა.

**ლევანტი.** ვაი, ამ დღეს!  
**გიორგი.** აბა, ეხლა შენ შეილზე ვილაპარაკოთ. დამავიწყდა, რომელ კლასშია, ვგანებ, მეოთხეში...

**ლევანტი.** არა, მეხუთეში  
**გიორგი.** რა საგნებში კოკლობს?  
**ლევანტი.** ფრანგულში და მათემატიკაში.

**გიორგი.** კარგი, იაროს.  
**ლევანტი.** შენი სულის ჭირიმე, შენი! ეხლა კი აღარაფრის არ მეშინიან. აბა, ეხლა ფასში მოვრიგდეთ.

**გიორგი.** ღირს კი ამაზე ლაპარაკი?  
**ლევანტი.** მაინც, მაინც?  
**გიორგი.** ნუ იცი ხოლმე ჩაციება.

**ლევანტი.** კარგი, კარგი, რაკი შუბლი შაიკარ, მეც გავჩუმდები. ხოლო იცოდე, მაგ სიკეთეს არ შევირჩენ. ეხლა კი ნახვამდის.

**გიორგი.** რა დროს წასვლაა, საცაა სადილიც იქნება.

**ლევანტი.** თქვენთან ყოფნას რა მირჩევიან, მაგრამ გარემოება რომ არ მანებებს? ერთი საათის შემდეგ სადგურზე რომ არ ვიყო, დიდი ზარალი მომივა.

**გიორგი.** რახან ასეა — ვერ დაგიჭერ. ნახვამდის.

**ლევანტი.** ნახვამდის შენი ჭირიმე.

**გიორგი.** დედა, კესო! გამოდით, სტუმარი მიდის.



კაპ. ივანე ქავთარაძე (დაჭრილია)

**სალომე და კესო.**

**სალომე.** ლევანტი, რა დროს წასვლაა, დარჩით სადილად.

**ლევანტი.** არას გზით არ შემოძრვიან, ბ-ნო სალომე, ნახვამდის (ხელს ართმევს ყველას და გადის).

მცირე პაუზა.

**გიორგი.** ტატე სად არის?

**სალომე.** დათიკოსთან წავიდა (შედის სამხარეთლოში).

**გიორგი.** (კესოს მიმავალს). კესო, დარჩი! რამე უნდა გითხრა.

**კესო.** (შედეგა). რა?

**გიორგი.** მინდა საკუთრად შენზე მოგელაპარაკო.

**კესო.** ჩემზე?

**გიორგი.** ჰო.

**კესო.** (თავის ქნევით). ამბავი?

**გიორგი.** აი რა: დღეს გამომიტყდა ჩვენი იდეალისტი, რომ „კესო უზომოთ მიყვარს, მაგრამ თქმას ვერ ვუბედავო“. ნუ გაიციან, ხომ იცი რა მორცხვი კაცია. მე მინდა გავიგო შენი აზრი, იყავ გულ ახდელი (ნაზი ღიმილით), თუ არა ვსცდები, შენც უნდა მოგწონდეს ოქრო, ვგონებ, მიმართულეაშვიაც ენათესავები.

**კესო.** (მცირე პაუზა). აი, რა გიორგი: რაკი სიტყვამ მოიტანა, გულწრფელად ვაღვიარებ, რომ ოქრო მართლაც მიყვარს და თუ იმისი ნებაცაა, მე დიდის სიხარულით შევეუერთებ ჩემს ბედს მისას

**გიორგი.** ურავ! (აკოცებს შუბლში). ჩემო უმანკო! რომ იცოდე, როგორ გამახარე. იმისი ნება კი არა, კაცს უშენოთ ვერც კი წარმოუდგენია სიცოცხლე. პირადად იმის ღირსებაზე ლაპარაკი, რასაკვირველია, მეტია. ჩვენ ყველანი კარგად ვიცნობთ მის მაღალ ბუნებას და დიდ ნიჭს. ახ, კესო, ეს გარემოება მე რამდენიმე წლის სიცოცხლეს შემმატებას, ვიცი. აბა ეხლა დედასაც ვახაროთ. დედა, დედა. ახალი ამბავი, ახალი ამბავი.

**სალომე.** რა ახალი ამბავი? სულ ერთია, კაი არ იქნება-რა.

**გიორგი.** არა დედა, არა. ამხანად მართლაც, რომ კაი ამბავია, ჩვენ ყველას სიხარული გვმართებს.

**სალომე.** ეს ხომ ქვეყნის დაქცევა იქნება?

**გიორგი.** ჰო, კარგია ერთი. გაშალე ეგ შუბლი. იცი დედა, ჩვენი კესო თხოვდება.

**სალომე.** კესო? ჩემო კესო?

**გიორგი.** დიად, დიად.

**სალომე.** შერე და მე ხომ ცოცხალი ვარ ჯერ. არ გეკადრებოდათ ჩემთვისაც გეკითხათ რჩევა? ვინ არის?

**გიორგი.** ვიცი გიამება, ჩვენი ცნობილი მწერალი ოქრო ასანძიე.

**სალომე.** იფ! ეს მართლაც, რომ სასიხარულო ამბავია. ვმადლობ უფალს. ძლივს ერთი ნატვრა არ ამხსრულდა! (აკოცებს კესოს) გაგაბედნიეროს, შეილო, ღმერთმა არაფერ იფიქრებდა, თუ შენ კენინა გამიხდებოდი, გენაცვალოს ოქრო.

**გიორგი.** აი, თითონ ოქროც მომილოცნია, შენ — სიძე, მე — ცოლის ძმა.

**ოქრო.** (შეკრთება. კესოს გაუბედავით) ნუ თუ მართლა?

**კესო.** მეგობარო! ინებეთ ჩემი ხელი!

**ოქრო.** ახ, კესო (ხელზე ჰკოცნის).

**გიორგი.** აბა, დედა, დატრიალდი შენებურად, ამ გახარებულ გუნებაზე ერთი წაგვაქეფე სულა ნუ წავიწყდება. და თუ ამაღამ ლეოც მოვიდა, საქმე გაჩაღებულია.

**სალომე.** შეილო, სწორედ ენამ გიყვილა: მოვა, უსათუოდ მოვა, ენაცვალოს დედა.

**გიორგი.** იცი ოქრო, მე შენ დღეს ჩემი ვენახის ღვინის დაგაღვივებ.

**კესო.** „ჩემი ვენახის“-ას განა დამიხედეთ მემამულეს ხა-ხა-ხა.

**გიორგი.** მაშ, მაშ!

**სალომე.** თუკა ჩვენებური ღვინო ოქროსთან რა გამოსაჩენია, მაგრამ...

**ოქრო.** ახ, ბატონო სალომე, თქვენ ნუ მოიბოდიშეთ, როგორ იქნება.

**პოდ. სოდ. ზალდასტანიშვილი (დაჭრილია)**



**გიორგი.** მართლა ოქრო, ერთხელ ვერა გეკითხე: სოფლად გაგაჩნია რამე?

**ოქრო.** არაფერი.

**სალომე.** უი, გამიქრეს დღენი! სრულიად, სრულიად?

**ოქრო.** თითქმის.

**გიორგი.** ოჰო! დედას უკვე შეეშინდა.

**სალომე.** (გიორგის) დამაცა ერთი! (ოქროს) არც იმდენი, რამდენიც გიორგის?

**ოქრო.** რა შედარებაა, ბატონო.

**გიორგი.** (სალომეს ხმა დაბლა) უარი უთხრათ, თორემ შიმშილით დაიხოცებიან.

**სალომე.** დამაცა მეტქი' (ოქროს) მერე და როგორ მოხდა ეს?

**ოქრო.** ნუ დაივიწყებთ, ბატონო, რომ მე თავადის მოდემისა ვარ. ცნობილ მამაქმეს ქეიფი უყვარდა და ყველაფერი, რასაც ასე თუ ისე ფასი ჰქონდა, მიჰყიდ-მოჰყიდა. როცა არა დაურჩა რა, გამაწანწალეებს თავის მოკვლა ამჯობინა, იკრა ტყვია შუბლში და წავიდა. დამიტოვა ერთი გავერნებული ეზო და ძველებური კოშკი. ჩემს მამულში ეხლა ყვავ-ყორანთა ჩხავილი და მოისმის მხოლოად.

**გიორგი.** (დედას) უარა მეტქმი, ეს კაცი შემოჩენილია. (ოქროს) შე დალოცვილო, ოქრო, თუ კი ასე ჰქონდაკულად იყო შენი საქმე, ბარემ დროზე იტყოდი, თორემ ისე ერთი კაცმა გეკითხოს ვის რაში ეპრიანება შენი რალაც მეგაზეთობა. ასეა, არა დედილო? (ყველანი იცინიან სალომეს გარდა).

**სალომე.** (ოქროს) შენმა მართალმა აღსარება ცოტათი დამანადგულიანა, მაგრამ მაინც არა გწუხობ. თუ ცოცხალი იქნები, ყველაფერს შეიძენთ (გადის სამხარეთლოში).

**გიორგი.** (ოქროს) ხომ ნახე რა ანგარიშიანია. ყველანი უზომოთ ვუყვარვართ, მაგრამ ცალი თვალი მაინც ჯიბისკენ უჭირავს.

**ოქრო.** ეს პროზაა.

**კესო.** აგერ სიმონაც მოვიდა.

**გიორგი.** ესეც პროზაა.

**სიმონ.** გამარჯვებით! (ხელს ართმევს ყველას).

**ყველანი.** გაგიმარჯოს.



გიორგი. აბა, გაიხადე პალტო. კორექტურა მერე იყოს. ჯერ ვისადილოთ.

სიმონ. გმადლობთ, არა მცალიან. მე ორიოდ წუთით შემოვიარე.

გიორგი. რას იტყვი?

სიმონ. შენთან საქმე მაქვს.

ოქრო და კესო. (აივანზე გავლენ და მიეფარებიან).

გიორგი. დაჯექ! (ამოიღებს უჯრიდან წიგნის კორექტურას)

ჯერ ჩაიბარე ეგ შენი კორექტურა.

სიმონ. სულ გაასწორე?

გიორგი. კიდევ რამდენი ფორმაა?

სიმონ. სამი.

გიორგი. მაშ, წიგნი მალე იქნება.

სიმონ. ერთ კვირაში სულ მზად იქნება.

გიორგი. აბა? მე ყურს გივადებ. რა იყო, რა გავჭირებია? რა სახე ჩამოგტირის კაცო!

სიმონ. (ოფლს იწმენდს) იცი, გიორგი, ერთი ფრიად საწყენი ამბავი გავიგე.

გიორგი. რა ამბავი?

სიმონ. არ ვიცი კი რამდენად მართალია, მაგრამ ხმები დადის რომ ლეო აბულაძისტიებიდან სტიპენდიას იღებდაო და იმ წიგნაკის ავტორიც ის არისო.

გიორგი. (თავ-ზარდაცემული) ახ!.. ჩემი ძმა!

სიმონ. (თავს უფრო დაბლა ჩაჰკიდებ).

გიორგი. დაუჯერებელია, დაუჯერებელია. ვინ ჩემი სპეტაკი, მოუსყიდველი ლეო და ვინ ასეთი გათახსირება. ღმერთო ჩემო რა ტანჯვაა! ახ, სიმონ შენმა მოსვლამ მე დღეს ყველაფერი წამართვა, ყველაფერი. თითქოს შეგ-შურდა შე უღმერთო ჩვენი ისედაც იშვიათი სიმხიარულე.

სიმონ. იქნებ არაა მართალი.

გიორგი. ახ, თუ მართალი არ იყო, რაღას მეუბნებოდი. ვამიგონე! ამაზე ჩვენებთან კრინტი არ დასძრა, გესმის? არ დასძრა. ეს დღე განსაკუთრებული დღეა იმათთვის.

კესო. ახა. დედა, გიორგი! (შემობრბის) ლეოსაგან დებეშა, დებეშა.

სალომე. (გამოდის).

კესო. (კითხულობს) „დღეს სალამოს თქვენთანა ვარ. ლეო“.

გიორგი. (აღელვებული) მაშ, გავიხაროთ ჩემო კარგო, ყველამ გავიხაროთ!

სალომე. გმადლობ შენ, უფალო!

კესო. ღმერთო, რა ბედნიერი დღე გამითენდა!

**ფ ა რ დ ა .**

**მოსამადეა მირკა.**

იგივე სცენა.

(ფარდის ახდისას კესოს მოჰყავს წინა კარებში პატარა ილიკო).

კესო. მოდი, ჩემო სულიკო, მოდი. გეყო ხტუნაობა. ამ დროს ჩიტებიც კი თავიანთ ბუდეს მიაშურებენ ხოლმე.

ილიკო. მაშიდა! ძია ლეო როდის უნდა მოვიდეს?

კესო. აკი წელან გითხარი ამაღამ მეთქი. ასე მალე დაგავიწყდა?

ილიკო. ნეტავი თუ რასმეს მომიტანს.

კესო. აბა, მე რა ვიცი. ამას მერე ვნახავთ.

ილიკო. პროექტორშიც ხომ წამიყვანთ?

კესო. ვანა მარტო პროექტორში, ყველგან, ყველგან, სადაც კი შეიძლება შენი წაყვანა, ჩემო ბიჭიკო. (ახედ-დახედავს) ფუი, როგორ მოგიტხუპნია სახე. (შევა სასადილო ოთახში, გამოიტანს სველ პირსახოცს და მოუსვამს პირისახეზე).

ილიკო. ჩქარა ჰო, მეტკინა.

კესო. დაიცა, ბიჭო, ნუ ხარ მეთქი სულ-სწრაფი. აბა ეხლა ეს პაწაწკინა ხელებიც გავაპატოსნოთ. შენე რამოდენა ჭუჭყია. რამდენჯერ მითქვამს შენთვის, სიფაქიზე კარგია მეთქი, მაგრამ რო ვერა შეგასმინერა! ახ, შე უხვირო შენა! (ისმის ეზოში ბავშვების კრიშული).

ილიკო. (ყურებს აცქვეტს) ავე! ავე! (პროცედს ორჯერ კესო. ძალიან გინდა? კარგი, წადი, მხოლოდ ერთის პირობით, არ მოითხუპნო, თორემ არ ვიცი, რას გიზავ!

ილიკო. არა, არა. (გავარდება).

კესო. (სველი პირსახოცით შედის სასადილო ოთახში).

შემოდის ოქრო.

კესო. (გამოდის თავ-ჩალუნული, უეცრივ ოქროს შენიშნავს და ოდნავ შეკრთება) ახ როგორ შემაშინეთ!

ოქრო. დიდი, ბოდიში მარტო ხართ?

კესო. (ნაზი ღიმილით) მარტო, ჩემო სიყვარულო, მარტო.

ოქრო. (ჩაეხევიან ერთმანეთს, მერე თვალეში ჩააცქერდება) ეს ღრმა და მეტყველი თვალები. ღმერთო ჩემო რამდენი სიტუაფე და შინაარსია შიგ ჩაქსოვილი. (ჰკოცნის) სხვა, სად არიან თქვენები?

კესო. დედა სალამოს ლოცვაზეა მამადავითში. გიორგი კი ფრანგული ენის გაკვეთილზე. სხვა როგორ გიკითხოთ? სად გაჰქრით? მე კი თქვენს ლოდინში ლამის თვალები გამომიღამდეს.

ოქრო. ახ კესო, გაიმეორეთ ეგ სიტყვები, გაიმეორეთ. ღმერთო ჩემო! რა ბედნიერია მამა კაცი, როცა იმას სათაყვანო არსება ელოდება. აი ჩემო კარგო სადილის შემდეგ იმიტომ აჩქარდი, რომ რაღაც ძალზე მომინდა მარტოდ ყოფნა ჩემო ტკბილ ფიქრებთან ერთად. მას მერე სულ სახლში ვიჯექ და ვოცნებობდი. დღევანდელი დღე უდიდესი ნეტარების დღეა ჩემთვის.

კესო. ნუ თუ, ოქრო?

ოქრო. კესო, თქვენ შეურაცმყოფთ მაგ კითხვით. ასეთ გაზაფხულს ადამიანი მთელ თავის ხანმოკლე სიცოცხლეში მხოლოდ ერთხელ განიცდის. გავვივლებს მოჩვენებასავით და გაჰქრება.

კესო. ახ, ოქრო, ჩემო ოქრო! რა ბედნიერები ვართ, რა ბედნიერები!

ოქრო. ძვირფასო ჩემო! (აკოცებს) ეხლა კი ერთი რამ მინდა გკითხოთ, იმედია სულსწრაფობაში არ ჩამომართმევთ.

კესო. აბა?

ოქრო. ჯვარი როდის დავიწეროთ?

კესო. როცა თქვენი სურვილია.

ოქრო. მაინც, მაინც?

კესო. აი თუნდ თიბათეფში, ჩვენსა, სოფელში, კარგი?

ოქრო. დიდის სიხარულით, დიდი სიხარულით.

კესო. ეხლა მე მინდა, ერთი რამ გიმახარობლოთ.

ოქრო. ბრძანეთ. არ ვიცი კი სწორედ ამაზე მეტად რამ უნდა გამახაროს.

კესო. შემოდგომიდან მე ამ უბნის სკოლის გამგეობას მძღევენ, რას იტყვი?

ოქრო. რა უნდა ვსთქვა!.. ვანა ეხლა მაგაზე ფიქრისთვის მცალიან?

კესო. რატომ ცხოვრების საქმეა.

ოქრო. (მხრებს აიჩეჩავს) შეიძლება. ქალები საზოგადოდ ჩვენზე უფრო პრაქტიკული ხალხია.

კესო. მით უმეტეს თქვენისთანა გაუსწორებელ რამონტიკოსთან შედარებით. (ორივენი იცინიან).

ოქრო. ჩინებულია, ჩინებული, ჩემო მეგობარო. ეხლა კი ლეოს ამბებს მოგიყვებით.

კესო. მართლა?

ოქრო. დიალ, აი ის ეშმაკი ისა! თურმე ნუ იტყვი, აბულაძიანთ თამართან არ ყოფილა გამიჯნურებული?

კესო. ოჰო!

ოქრო. მიწერ-მოწერაცა ჰქონიათ ერთმანეთთან.


კესო. ნუ თუ მართლა?

ოქრო. დიალ. კესო! რას ნიშნავს ეს შემკრთალი კილო? ვანა არ გაიმეობდათ, თამარი, რომ თქვენი რძალი გამხდარიყო?

კესო. არ ვიცი რა გითხრათ. შეიძლება ძალიან კაი საქმეც იყოს, მაგრამ...

ოქრო. მაგრამ რა?

კესო. რაღაც მეშინიან, შური არ იძიოს და ლეო არ დამიღუპოს. თქვენი აზრი თამარზე?



გერმანელების ჯავშნიანი ვაგონი.

**ოქრო.** ვფიქრობ, შემცდარი ხართ. თამროს მე გვარიანად ვიცნობ. თუ კარგად არ დააკვირდით, ზერელე შეხედულებით, მართლაც ტიტანიური არსების შთაბეჭდილებას ახდენს, მაგრამ მქონდა შემთხვევა, ცოტათი გადამეფხია მისი სულის ზედა პირი, აი მაშინ კი სრულიად შემეცვალა აზრი. ჩემი აზრით ის არსებითად ძალიან ნიჭიერი და ჭკვიანი ქალია მხოლოდ იმ საზოგადოებრივმა ატმოსფერამ, რომელშიაც ის აღიზარდა ცუდი გავლენა იქონია მასზე. მოაშორეთ იმ ხალხს და თამარს ვერც კი იცნობთ—აი ჩემი აზრი.

**კესო.** ოქრო, გენაცვალე, დედას ნუ ეტყვით ჯერ-ჯერობით. ვიცი, არ იამება. ვინ იცის საწყალს რა არ მოეღანდოს. წარმოიდგინეთ, ვილაცას ჩაუგონებია, გიორგის ემუქრებო და ამის გამო ველარ ისვენებს.

**ოქრო.** დამუქრებისა რა მოგახსენო, მაგრამ, რომ სძულს—ეს კი მართალია.

**კესო.** თუ ის კეთილი სულია, რათ უნდა სძულდეს?

**ოქრო.** წარმოიდგინეთ კესო, რომ შეიძლება ასე მოხდეს. დიდი გონებრივი სიმალეა საჭირო, რომ საზოგადოებრივი ბრძოლა, პირადობაზე არ გადაიტანონ. იმიტომაცაა, რომ ჩვენში იდეური ბრძოლა იმავე დროს პირადობაზე გადააქვთ. ისე უეცრად რად მოიწყინა?

**სალომეს ხმა.** (ეზოში): ილიკო ნელა! არ დაეცე.

**კესო.** დედა მოდის. რომელი საათია?

**ოქრო.** შვიდი.

**კესო.** მაშ წასვლის დროა.

**ოქრო.** მეც მზადა ვარ.

**კესო.** (შევა ოთახში).

შემოდის სალომე.

**სალომე.** გენაცვალე სულში. ესეც აქა ყოფილა. (აკოცებს და მიიხუტებს) შენი უღვაშების პირივე, შვილო, შენი! ასეთი დღე სავესი სიხარულით და ბედნიერებით, მთელ ჩემ გამოზრდაში არ მახსოვს. ეს დღე საკუთრად ჩემია. მეშინიან კი. ბედი არ დამცინოდეს.

**ოქრო.** დაგარწმუნებთ, რომ თქვენი სიხარულით მეცა ვხარობ. სხვა, სადა ბრძანებულხართ?

**სალომე.** მამა-დავითში. შეგეწიოთ იმისი მადლი. თქვენი ბედნიერად ყოფნა შევსებოვე უფალს.

**ოქრო.** გმადლობთ, დიდათ გმადლობთ.

შემოდის კესო.

**კესო.** (გამოდის სრულიად გამოწყობილი) აი მეც მზადა ვარ.

**ოქრო.** მეც! აი დედა, მივდივართ, რომ მოგიყვანოთ დიდი ხნის ნანატრი შვილი.

**სალომე.** აბა, ჩქარა, თორემ გაწყალდა გული. თუ დღესაც არ მოსულა, მერე თვალთ არ დამენახოს.

**კესო.** იმ დეპეშის შემდეგ განა შეიძლება არ მოვიდეს?

შემოდის გიორგი.

**გიორგი.** საით?

**კესო.** სადგურზე. ლეოს დასახვედრად. შენ არ წამოხვალ?

**გიორგი.** არა.

**სალომე.** შვილო! თუ გცალიან, რა გიჭირს ამითან შენც წახვიდე? იამება.

**გიორგი.** ძალიან დაღლილი ვარ. ვფიქრობ, არა დაშავდარა.

**კესო და ოქრო.** (გადიან).

**გიორგი.** (ოფლს იწმენდს, გაივლ-გამოივლის) დედა! ბიჭი სად არის?

**სალომე.** აგერაა ეზოში, თამაშობს.

**სალომე.** შვილო! რაღაც სხვანაირად მეჩვენები. ავად ხომ არა ხარ, გენაცვალს დედა?

**გიორგი.** არა.

**სალომე.** მაშ, გაშალე ეგ შუბლი, განა დღევანდელ დღეს ეს შეპფერის?

**გიორგი.** არაფერია, დედა, არაფერი. დავილაღე და იმის ბრალია. (აივანზე გავა და მოაჯირთან ჩამოჯდება. გააბოლებს).

**სალომე.** (ვაჩერდება ღია ფანჯარასთან შიგნით).

**სალომე.** წელან ქოქრანთ მარიამი მოვარდა გულ-გახეთქილი. შენი ნახვა უნდოდა ძლიერ.

**გიორგი.** რა მოსვლია?

**სალომე.** სტუდენტებს ამბავი მოუტანიათ რუსეთიდან, შაქრო იქაურ ქალზე ინიშნებო და დარდისაგან სულ თმებს იგლეჯდა საწყალი. შვილო! ვიცი, ის ბიჭი, შენი ძლიერ ერთგულია და თუ მარ-

თლაც მოინდომებ იქნება მარიამის ბედზე მოაბრუნებინო პირი ჩვენსკენ. ხომ იცი რა კაპასებია ი გასაწყვეტნი. ვინც იმათ გადაეკიდა, არავის ხეირი არ დაჰყრია. როცა ჩვენი არა სწამთ რა, რაღას ებლაუტებიან ეს თვალ-დამდგარები. განა არ გახსოვს რა ოინი უყო სხვაგანიდან მოყვანილმა გომბიომ თ-დ კოტეს? იმდენი დამცირება რომ არ აკმარა, აილო და საყვარელს თარი ზედ თავზე გადაამტვრია.

**გიორგი.** დაგვიანებულა. შაქროს უკვე შეურთავს უცხოელი ქალი.

**სალომე.** ვაი, საბრალო მარიამ! ჰხედავთ რა დრო დაგვიდგა!.. ლამის სულ გადაგვარჯულონ ამ ლაწირაკებმა. ეხლა კი მართლა მჯერა, რომ ჩვენი ამომგდები ჩვენივე უხასიათობა ყოფილა. (გადის სამზარეულოში).

**გიორგი.** (ილიკოს ეძახის) ილიკო! გეყოფა კარში ყოფნა.

**სალომე.** (ზალაში გამოდის) მოვიდა ჩვენი ხტუნია?

**გიორგი.** დედა! ამას ეძინება.

**სალომე.** უქმელი როგორ დავაძინო!

**ილიკო.** არაფერიც არ მინდა.

**სალომე.** როგორ იქნება დილას აქეთ შენს პირში ლუქმა არ ჩასულა. (გიორგის) ნახე სიცხე ხომ არ აქვს.

**გიორგი.** (მაჯას უშინჯავს) არა.

**ილიკო.** იპ, სიცხე კი არა!

**სალომე.** მაშ, დაიძინე, ჩემო ყაყაჩო დაიძინე. (მიჰყავს).

**გიორგი.** (გაივლ-გამოივლის, უეცრივ მიუჯდება საწერ მაგიდას, ამოიღებს ქალაღს, და შეუდგება წერას).

(მცირე პაუზა.)

შემოდის თამარი.

**თამარ.** (გამოჩნდება წინა კარებში. ოდნავ შეკრთება და შედგება, თითქოს სულის მოსაბრუნებლად. აღელვება ემჩნევა).

**თამარ.** ბ-ნო მარგალიტაძე!

**გიორგი.** (მიიხედავს და იმის დანახვაზე სწრაფად წამოდგება). ახ! (საჩქაროდ იცვამს პიჯაკს) ქ-ნო თამარ! თქვენ, ასე მოულოდნელად, რას მივაწერო?

**თამარ.** (შემოდის სახლში) გიკვირთ განა?

**გიორგი.** ერთის მხრით—დიად, ისე კი მოგეხსენებათ, ქვეყნად არა არის რა გასაკვირველი.

**თამარ.** უკაცრავად, რომ ჩემის მოსვლით საქმეს მოგაცდინეთ.

**გიორგი.** არაფერია, ბატონო, გთხოვთ! (სკამზე უჩვენებს) ნუ სწუხდებით.

**თამარ.** მე მალე გაიხლებით.

**გიორგი.** თქვენი ნებაა. რით შემიძლიან გემსახუროთ? თუ არ ვცდები, აღელვებული უნდა ბრძანდებოდეთ.

**თამარ.** განა შემიძლიან გულ-გრილად ვუცქირო მამის დამლუპველს?

**გიორგი.** ოჰო! რა გნებაეთ?

**თამარ.** უწინარეს ყოვლისა მე მინდოდა ახლოს, პირისპირ მენახა ჩვენი ცნობილი მწერალი, რომელმაც ასეთი კვალი დააჩნია ქართულ აზროვნებას. რაღაც მანქანებით შემოიკრიბა თავის გარშემო უმრავლესობა და შეერთებული იერიშით მიესივნენ უდანაშაულო მოხუცებს. ახ რომ იცოდეთ ბ-ნო მარგალიტაძე ამ ხანად მე თქვენ როგორა მძულხართ, მაგრამ ეს საქმეს. არ შეეხება. თვალგეში გატყობთ, რომ დამცინით, მაგრამ ეხლა ჩემთვის სულ ერთია რა აზრისაც უნდა იყოთ ჩემზე.

**გიორგი.** რას ითხოვთ ჩემგან?

**თამარ.** მე მოვითხოვ თქვენგან ჩვეულებრივ ზრდილობას. თქვენმა შხამიანმა კალამმა მამაჩემი სიკვდილის პირამდე მიიყვანა. მიუხედავად ამისა მაინც არ სცხრებით. შეუბრალებლო კაცო! თავი დაანებეთ, ნუ აღელვებთ და სიცოცხლის უკანასკნელ წუთებს მაინც ნუ უშხამავთ. ის მარტო მამა-ჩემი არაა. იმავე დროს ის ძვირფასი ერთგული საუნჯეა და მის აბუჩად აგდებას არ გააბატებთ.

**გიორგი.** აი საქმე რაში ყოფილა! მერე, ბატონო, მერე?

**თამარ.** მე კიდევ მქონდა ცოტა რამ სათქმელი, მაგრამ იქნებ თავი მოგაბეზრეთ.

(შემდეგი იქნება.)

ტრ. რამიშვილი.

